

古典文學 佳作 江佩純

個人簡介：臺灣師範大學國文學系博士班三年級

江佩純，國立臺灣師範大學國文系、國立中山大學中文系碩士班畢業，現於國立臺灣師範大學國文系博士班修業中。迷戀文字、音聲與色彩，常常誤以為自己是貓。

曾獲獎項有：師大青年寫作協會野櫻文藝營散文創作第二名，師大凡溪詩獎2005年五律組第二名、2006年七絕組第三名，第5屆師大紅樓文學獎現代詩組佳作，第21屆西子灣文學獎古典詩佳作，102年教育部文藝創作獎學生組古典詩詞優選，第32屆中興湖文學獎古典文學組佳作等。

〈貓空春遊〉

曉緣長纜遠塵音，日暖貓空獨探尋。雲水幽鄉疑鶴影，清風小徑識茶林。觀音韻裡迷天地，包種香中澹古今。吞吐泉山渾似玉，杯前信筆自甘心。

〈植物園憶往〉

興來獨步到蓮塘，百草園中綠蔭長。暖日蜻蜓相逐戲，豔天菡萏正飄芳。凌波小徑人何在，臨水幽亭韻未央。惆悵青春多少事，清風淺唱漫流光。

〈承天禪寺山徑初見桐花〉

久慕芳蹤意探尋，興來獨步入幽森。風花勝雪迷遐邇，流水浮香澹淺深。聽梵應隨雲出定，聞經不坐石看心。行遊偶卻人間事，拾得清華自在林。

〈夜雨習箏〉

此夜鳴箏細雨和，識得古調倚聲波。飛梭玉甲滑吟款，凝韻冰絲拂點多；鴻雁捎書姜女淚，漁舟唱晚鳳翔歌。絃中自忖從前事，迢遞蒼茫可奈何。

註：鴻雁捎書、姜女淚、漁舟唱晚、鳳翔歌俱箏曲名。

〈茶館趕稿貓兒近身橫睡窗臺桌曆之際〉

振筆窗臺傍午天，狸奴坦腹卻酣眠。參差日景婆娑樹，斷續清風響澀蟬。自醉浮香茶郁郁，應隨曉夢蝶翩翩。流光轉逝嗟新曆，祇有庸人惱萬千。

〈隨中彰文化古蹟踏查至南瑤宮作〉

磺溪廟寺探幽尋，俎豆香龕奠此心。四落九開簷柱古，一埕二院井樑深。惠安匠石泉州木，鹿仔丹青笨港金。輝殿當年驚卓蹈，精誠妙絕話於今。

〈櫻花季偶見阿里山賞花舊照有懷〉

憶昔尋詩上顛穹，煙絲迴徑兩迷濛。鳴禽漫醉雲間樹，粉卉初酣午後風。光景於今何可說？紛華到處略相同。經年枉卻纏綿意，但續殘編畫影中。

〈梅嶺行遊贈友〉

古道登臨漫步徐，梅花有約喜逢初。仙妝清笛韻何似，飛絮散鹽香不如。曲徑無人合高臥，清風有致任寬舒。冰心一瓣向幽意，憑度玉辭緘短書。